



REPUBLIKA E KOSOVES REPUBLIKA KOSOVA REPUBLIC OF KOSOVO
KËSHILLI I PAVARUR MBIKËQYRËS PËR SHËRBIMIN CIVIL TË KOSOVËS
NEZAVISNI NADZORNI ODBOR CIVILNE SLUŽBEKOSOVA
INDEPENDENT OVERSIGHT BOARD CIVIL SERVICE OF KOSOVO



Pranuar / Dorezuar Prilbjeni/Prodato Received/Delivered	07-06-2023	3	viti god year
Organ /Njesia Organ /Jedinica Org./Unit	Nr Prot Br Prot Prot No	Shtojca Prilog Appendix	Sasia Kolicina Quantity
SKUMSHOK	4619/2023		1/3



Republika e Kosovës Republika Kosova – Republic of Kosovo

KËSHILLI I PAVARUR MBIKËQYRËS PËR SHËRBIMIN CIVIL TË KOSOVËS
NEZAVISNI NADZORNI ODBOR CIVILNE SLUŽBEKOSOVA
INDEPENDENT OVERSIGHT BOARD FOR THE CIVIL SERVICE OF KOSOVO

A.nr.673/2023

Këshilli i Pavarur Mbikëqyrës për Shërbimin Civil të Kosovës-Kolegji për Shqyrtimin dhe Vendosjen e Ankesave në përbërje nga: Ardita Haxhnikaj-Demi-kryetare, Arben Mehmeti dhe Malsore Gashi Bajraktari-anëtarë, me Ardita Perçuku-Shyti-Zyrtare e Lartë për Bashkëpunim Profesional, në cilësinë e procesmbajtëses, ka shqyrtuar ankesën me numër A.nr.673/2023 të datës 26.04.2023 të parashtruar nga ankuesja kundër organit të punësimit Ministria e Punëve të Brendshme, në çështjen juridike "kërkesë nga marrëdhënia e punës", duke vepruar në pajtim me nenin 6 paragrafin 1 nën paragrafin 1.1, nenin 16 paragrafi 3 dhe nenin 18 paragrafin 1 nën paragrafin 1.7 të Ligjit Nr. 06/L-048 për Këshillin e Pavarur Mbikëqyrës për Shërbimin Civil të Kosovës, në seancën për këshillim dhe votim të mbajtur më datë 07.06.2023, njëzëri mori këtë:

V E N D I M

Hedhet poshtë si e palejuar ankesa A.nr.673/2023 e datës 26.04.2023, e parashtruar nga ankuesja

A r s y e t i m

Ankuesja (tuje vetëm ankuesja), e punësuar në Ministrinë e Punëve të Brendshme, më datë 26.04.2023 ka parashtruar ankesë në Këshillin e Pavarur Mbikëqyrës për Shërbimin Civil të Kosovës, kundër Vendimit Nr.341 të datës 31.03.2023 të Zëvendës Drejtorit të Përgjithshëm të Agjencisë së Regjistrimit Civil, për shkak të shkeljeve të dispozitave të Ligjit Nr.06/L-114 për Zyrtarët Publikë, Ligjit për Administratën Shtetërore si dhe Ligjeve tjera pozitive.

Këshilli i Pavarur Mbikëqyrës për Shërbimin Civil të Kosovës (në testin e mëtejme Këshilli) bazuar në dispozitat e Rregullores Nr.02/2018 për Procedurën e Shqyrtimit dhe Vendosjes së Ankesave, me datë 02.05.2023 ka proceduar kërkesën për përgjigje në ankesë të ankueses tek Ministria e Punëve të Brendshme, ndërsa kjo e fundit më datë 16.05.2023 ka përcjell përgjigjen në ankesë si dhe shkresat lidhur me çështjen në procedurë të shqyrtimit dhe vendosjes.

Kolegji për Shqyrtimin dhe Vendosjen e Ankesave ka administruar këto prova: Ankesën me numër protokolli 3819/2023 të datës 26.04.2023 të parashtruar në Këshillin e Pavarur Mbikëqyrës për Shërbimin Civil të Kosovës; Vendimin me Nr.341/2023 të datës 31.03.2023 të Zëvendësuesit të Drejtorit të Përgjithshëm të ARC-së; E-mailin zyrtar të datës 07.04.2023 lidhur me njoftimin për caktim të vendimit për zëvendësues; Listën e pagave për muajin janar dhe mars të vitit 2023 për

N.P; Akt emërimin e ankueses me Nr.Ref: DRGJC/ARC-5/13 të datës 31.01.2013; Plotësimin e ankesës së ankueses të datës 12.05.2023 me numër protokollit 673/2023 në Këshill; Formularin për vlerësimin e rezultateve në punë të ankueses të datës 20.01.2023; Kërkesën për përgjigje në ankesë të datës 02.05.2023 me numër protokollit 3991/2023 nga Këshilli i Pavarur Mbikëqyrës për Shërbimin Civil të Kosovës; Përgjigjen në ankesë të datës 16.05.2023 me numër të protokollit 673/2023 nga Ministria e Punëve të Brendshme së bashku me shkresat e bashkangjitura të lëndës; Përshkrimin e detyrave të punës së ankueses të datës 27.02.2014; Akt emërimin me Nr.Ref:ARC-02/18 të datës 17.01.2018 për N.Xh.P; Ndryshimin e akt emërimit me Nr.3932 të datës 24.05.2019 për N.Xh.P; Kërkesën përmes e-mailit zyrtar të datës 29.03.2023 si dhe Përshkrimin e detyrave të punës për pozitën Udhëheqës i Sektorit të Mbështetjes së Qendrave për Pajisje me Dokumente të datës 15.05.2015.

Kolegji për Shqyrtimin dhe Vendosjen e Ankesave pas shqyrtimit dhe analizimit të shkresave të lëndës konstatoi se ankesa e ankueses _____, është e palejuar, sepse:

Nga administrimi i shkresave të lëndës është konstatuar fakti se ankuesja është e punësuar në Agjencinë e Regjistrimit Civil dhe se e njëjta ushtron pozitën e punës Zyrtare e lartë në DRGJC në Departamentin e Regjistrimit dhe Gjendjes Civile.

Me tej nga shkresat e lëndës Kolegji ka gjetur së Zëvendësuesi i Drejtorit të Përgjithshëm të Agjencisë së Regjistrimit Civil përmes Vendimit Nr.341 të datës 31.03.2023, nëpunësen civile me inicialet N. XH. P në pozitën e punës Zyrtare për Rishqyrtimin e Aplikacioneve për Patentë Shoferë në Sektorin për Patentë Shofer, e ka caktuar Zëvendësuese e Udhëheqësit të Sektorit për Mbështetje të QPD deri në marrjen e një vendimi tjetër. Ankuesja kundër këtij vendimi ka parashtruar ankesë në Këshill, duke pretenduar së i njëjti është nxjerr në kundërshtim me dispozitat e Ligjit Nr.06/L-114 për Zyrtarët Publikë, Ligjit për Administratën Shtetërore si dhe Ligjeve tjera pozitive.

Në vështrim të dispozitave ligjore të nenit 24 paragrafit 3 të Ligjit Nr.06/L-114 për Zyrtarët Publikë, konstatohet se çdo nëpunës civil ka të drejtë të paraqesë ankesë drejtpërdrejt në KPMSHCK për çdo veprim apo mosveprim, që i cenon të drejtat apo interesat e ligjshme, të drejta këto, që burojnë nga marrëdhënia e punës. Andaj, nisur nga ky përcaktim ligjor si dhe duke i 'u referuar dispozitave të Ligjit Nr.05/L-031 për Procedurën e Përgjithshme Administrative përkatësish nenit 14 me të cilin është përcaktuar se kush konsiderohet palë në procedure: "1. Palë në procedurën administrative mund të jetë çdo person fizik, person juridik apo grup personash me një interes të përbashkët: 1.1. me kërkesë të të cilit organi publik ka filluar procedura administrative; 1.2. ndaj të cilit ka filluar procedura administrative apo të cilit rezultati i procedurës administrative mund t'i cenojë të drejtat apo interesat juridike. 2. Palë në procedurën administrative janë, gjithashtu, dhe mbrojtësit e interesave publike të autorizuar me ligj të veçantë, si dhe mbrojtësit e interesave kolektive apo të interesave të gjera të publikut, nëse këto interesa mund të cenohen nga rezultati i procedurës administrative", si dhe nenit 124 paragrafi 1 të të njëjtit ligj me të cilin parashihet se: Pala ka të drejtë të ushtrojë mjetet juridike administrative ndaj çdo veprimi apo mosveprimi administrativ, nëse pretendon se të drejtat apo interesat e saj juridike cenohen nga ky veprim apo mosveprim...", Kolegji i Këshillit konstaton se me Vendimin e kundërshtuar më ankesë nuk është cenuar ndonjë e drejtë apo interes juridik i ankueses ndërlidhur me marrëdhënien e saj të punës, gjegjësisht vendimi i referohet caktimit të përkohshëm të zëvendësues se Udhëheqësit të Sektorit për Mbështetje të QPD në Agjencinë e Regjistrimit Civil, kështu që, bazuar në këtë konstatim si dhe në mbështetje të nenit 129 paragrafit


1 nën paragrafit 1.2 të Ligjit Nr.05/L-031 për Procedurën e Përgjithshme Administrative, rrjedhë së ankesa e ankuesit është e palejuar dhe se ankuesja nuk ka legjitimitetin e palës në këtë çështje juridiko-administrative.

Siç u tha më sipër, Kolegji i Këshillit duke u bazuar në nenin 18 paragrafin 1 nën paragrafin 1.7 të Ligjit Nr.06/L-048 për Këshillin e Pavarur Mbikëqyrës për Shërbimin Civil të Kosovës, vendosi si në dispozitiv të këtij vendimi.

Këshillë juridike: *Vendimi hyn në fuqi në ditën e nënshkrimit nga Kryetarja e Kolegjit. Kundër vendimit të Këshillit, pala e pakënaqur e cila pretendon se vendimi i Këshillit nuk është i ligjshëm mund të iniciojë konflikt administrativ në Gjykatën Themelore në Prishtinë-Departamenti për Çështje Administrative, brenda afatit prej tridhjetë (30) ditësh nga dita në të cilën i është dorëzuar vendimi. Inicimi i konfliktit administrativ nuk ndalon ekzekutimin e këtij vendimi.*

KËSHILLI I PAVARUR MBIKËQYRËS PËR SHËRBIMIN CIVIL TË KOSOVËS
Lënda më numër A.nr.673/2023

Ardita Perçuku-Shyti



Procesmbajtëse



Ardita Haxhnikaj-Demi

Kryetare e Kolegjit

Vendimi i dërgohet:

- Ankueses ;
- Udhëheqësit të Personelit në Ministrisë e Punëve të Brendshme dhe
- Arkivit të KPMSHCK-së.

